



**Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 28. Concilium adversius Julium Pisis convocatum.

---

[urn:nbn:de:hbz:466:1-66433](#)

## §. XXVIII.

Sæcul. XVI.  
A.C. 1511.*Concilium adversus Julium Pisis  
convocatum.*

**N**on nisi post crebras disceptationes urbs *Pisana* seligebatur; *Maximilianus* *Raynald.* *hoc ann. n.5.* enim in quadam Imperii sui urbe, vel & 7. Constantiæ, vel alibi Synodum celebrari peroptabat; Itali vero fidei a Cæsare datæ, quam toties in aliis occasionibus fellisset, (\*) diffisi, patria sua excedere renuebant. Ludovicus quoque Galliarum Rex Lugdunum offerebat, cum vero hæc urbs Cardinalium voto minus arrideret, Pisana civitas seligitur, cum hæc nec Cæsari, qui supremus illius Princeps erat, nec Galliarum Regi, qui Florentinis amicitia jungebatur, nec ipsi etiam Pontifici suspecta erat, cum ipfus eandem præter status Ecclesiastici urbes, ceteris totius Italiæ civitatibus longe magis commodam censere cogeretur; Insuper consuetis militum præsidiis Concilii securitati jam satis caustum erat, vilique pretio commeatus emebatur, ipsa territorii

(\*) Nunquam Maximilianus datam fidem violavit, nisi quando ab aliis nequiter seductus, rem pollicitus esset, cuius promisso stare, cognito errore Religio prohibebat.

**Sæcul. XVI** torii fertilitate abundantiam suppeditantur.  
**A.C. 1511.** te; accesserat enim maris opportunitas,  
 cum enim pelagus urbi vicinum esset, excitato forte tumultu, promptum, tutumque discessum offerebat. Ægerrime quidem Florentini hanc urbem concesserant, nec unquam assensu suo suffragati sunt, nisi data prius fide, quod nulla iis, qui Synodo interessent, vis inferretur.

**Marian. l. 30** Electione loci facta, Galli omnes in id curas intendebant, ut Synodus convocaretur, ne vero ad agendum hunc conventum Papæ consensus deesset, eum  
**n. 12.**  
**Spond.**  
**ad ann. 1511.**  
**n. 9.**

**Raynald. l.c.** adire decernebant. Hoc obsequii genus præprimis Maximilianus, ac Franciæ Rex

Pontifici deferebant, eidem hæc significantes: postquam Cardinales ad vestræ Sanctitatis electionem convenerant, totus Purpuratorum Senatus solemnni Sacramento sese obstrinxit, ut is, quemcumque inter eos ad summi Pontificatus honores assumi contingeret, evoluto bennio ab electionis suæ tempore Synodus generalem convocaret, velut unicum Ecclesiæ calamitatibus obviandi remedium; Vesta quoque Sanctitas cum ceteris idem juramentum præstítit, hucusque tamen necdum exsolvit: unde rogamus, ut mala inde aucta necnon officii sui rationem perpendat, vi cuius ea mala tandem tollere adstringitur: communis enim es Reipublicæ Christianæ Pater, proin fidelium mise-

miseris vehementiori ac ceteri, commis-  
erationis sensu tangi debes, præsertim Sæcul. XVI.  
A.C. 1511.  
cum tuam opem implorent. Ast Julius  
hos sermones ægre ferens, nullum non  
movit lapidem, ut horum consilia sibi  
summe exitiosa everteret. Cum igitur  
Cæsar, Rexque Pontificem flecti nescium  
experirentur, suos Legatos ad S. Crucis,  
Narbonensem, & Cosentinum Cardina-  
les, Mediolanum mittere statuunt, qui  
eos rogarent, ut ipsimet Synodum con-  
vocarent. Legati ergo die decima sexta  
Maji præfatis Cardinalibus demandatum  
exponunt negotium, quod illi lubenti qui-  
dem animo acceptant, trinam tamen  
conditionem sibi promitti postulant. I. Cæ-  
sar, atque Galliarum Rex tam Synodum  
quam eidem interfuturos potenti suo  
præsidio tueantur. II. Neuter eorum  
Concilii dissolutioni aut translationi con-  
sentiat, absque potioris congregatorum  
partis assensu. III. Observetur nor-  
ma in Constantiensi Conclilio præscripta,  
qua plenæ libertati ac securitati cautum  
sit.

### §. XXIX.

#### *Concilium Pisanum Cardinalium au- toritate convocatum.*

His conditionibus per Legatos suorum  
Principum nomine acceptatis, tres

P 3                    præ-